

史臣曰大臣之議將以敗舟與倭人其實欲使之溺於海中而殺之也既曰無作賊形止則何必殺之宜以禮遣還可也如以知我虛實慮為後患則亦當明正其罪觀其所供甚為奸黠與唐人交通向導作賊上國之狀昭著無疑以此殺之奏之不患無名也大臣又曰若治罪不還則結怨不小今此倭人仁義雖不足奸狡則有餘必揣我待彼之道矣倘得還土則必曰彼國不欲我生還故以敗舟與之怨我必矣如或不達敗死於海日本聞之豈知我國遣送之意耶亦將謂我殺之也然則倭人之還與不還其為結怨則一也大凡謀國當以正道何必以權詐之術經權之用雖各有異而是非輕重各稱其宜與經不悖者謂之權如此之事安得謂之權宜乎

○夜乾方如火氣

戊寅憲府啓曰近來朝廷之間處置之事皆失其宜故南名濟州之患北開造山之變大禍已作將不可救而其所處置之事